

## **SAMIR LEMEŠ**

Dobar dan, pozdrav svim prisutnim. Ja za danas imam 2 poslanička pitanja. Jedno ustvari ponovljeno i malo prošireno pitanje koje sam postavio 22. maja ove godine i još nisam dobio odgovor osim što sam od Ministarstva prostornog uređenja dobio odgovor da odgovor na moje pitanje nisu u nadležnosti tog Ministarstva. Dio odgovora sam saznao tako što je Vlada usvojila konačno Program utroška sredstava namjenskih za okoliš. Umjesto u roku od 30 dana kako je tako propisano zakonom, taj je program usvojen 6 mjeseci nakon usvajanja Budžeta, ali eto još uvijek nije raspisan tender za nabavku opreme. Napominjem da je član 2. Zakona o povjeravanju javnih ovlaštenja iz oblasti zaštite okoliša iz 2013. propisao da nadzor nad provođenjem tog zakona ima upravo to Ministarstvo, a kako se ni jedan od 10 poslova iz tog zakona ne realizuje nedopustivo je da se Ministarstvo proglasi nenadležnim i ne čini ništa da se osigura provođenje tog zakona. Institut Kemal Kapetanović je tim zakonom dobio 2013. godine zadatak da uspostavi centar za monitoring okoliša i sad ja da ne ponavljam pitanje od prošli put, ja sam ovdje spremio svih 10 aktivnosti iz tog zakona i od tih jedna jedina nije realizovana. Ne znam da li da primjer kažem prikupljati, sistematizovati, analizirati podatke, uspostaviti registar monitoring stanica, softversko povezivanje, umrežavanje sistema monitoringa s višim organima vlasti, registar o zagađenju, nabavka i kalibracija uređaja itd., itd. 10 aktivnosti, ni jedna se ne realizuje, a Ministarstvo je zaduženo na na ... za nadzor nad pri ... primjenom zakona. Ja ponovo šaljem pitanje Vladi da mi odgovori zašto još uvijek ne funkcioniše centar za monitoring okoliša?